

李泰伯先生文集

711.114  
54026

李泰伯先生文集

盱江先生全集卷之二

易論第一 計十三篇

或曰易之爲書也其不可學邪何其微而不顯也曰學者之過也聖人作易本以教人而世之鄙儒忽其常道競習異端有曰我明其象則卜筮之書未爲泥也有曰我通其意則釋老之學未爲荒也書讀夜思疲心於無用之說其以惑也不亦宜乎包犧畫八卦而重之文王周公孔子繫之辭輔嗣之賢從而爲之注炳如秋陽坦如大達君得之以爲君臣得之以爲臣萬事之理猶輻之於輪靡不在其中矣爾欲聞之乎曰然則請問爲君之道曰夫用貴莫若

恭用富莫若儉恭則衆歸焉儉則財阜焉恭儉者先王之  
所以係四海也損六五曰或益之十朋之龜弗克違元吉  
龜可決疑喻明智也以柔居尊而爲損道明智之士皆樂  
爲用矣非徒人助天且福之故象曰六五元吉自上祐也  
恭之得衆也如此賁六五曰賁于丘園束帛戔戔吝終吉  
丘園謂質素之地也五得尊位爲飾之主而每事質素與  
丘園相似則費財物束帛乃戔戔不多也儉之足用也如  
此非徒儉於身也祭祀鬼神尚可菲薄旣濟九五曰東鄰  
殺牛不如西鄰之禴祭實受其福禴祭之薄者也謂脩德  
以祭雖薄而受福也夫上之利民以財則不足也百姓安

堵而不敗其業利之大者也益九五曰有孚惠心勿問元  
吉有孚惠我德謂因民所利而利之惠而不費則不須疑  
問必獲大吉而物亦以信惠歸於我也夫溥愛無私君之  
德也反是則非益之謂也屯九五曰屯其膏小正吉大正  
凶膏謂恩惠也處屯難之時居尊位之上不能博施群小  
而繫應在二所惠偏狹於有司之正則吉於大人之正則  
凶也比九五曰顯比王用三驅失前禽邑人不誠吉謂爲  
比之主而有應在二顯比者也不能無私於物惟賢是與  
愛於來而惡於去用三驅之道者也伐不加邑動必討叛  
雖得乎顯比之吉而可以爲上之使非爲上之道故象曰

邑人不誠上使中也夫執剛莫如體柔責人莫如自修尚  
力取勝亦已勞矣同人九五曰同人先號咷而後笑大師  
克相遇謂不能使物自歸而用其強直故必大師克之狀  
後得志也困九五曰劓刖困于赤紱乃徐有說利用祭祀  
赤紱謂異方之物也五以剛猛物所不附忿物不附而行  
威刑則異方愈不懷矣而體在中直能不遂迷乃徐修德  
則得喜說履夫尊位過而能改以斯祭祀必受福也夫以  
至尊敵至賤勝之不足爲武也夫九五曰覓陸夬夬中行  
无咎覓陸草之柔脆者謂上六也夬之時以君子決除小  
人而五處尊位躬自決之雖其克勝未足多也處中而行

足以免咎而已故象曰中行無咎中未光也夫安非福也  
危非禍也知危而懼安莫如之否九五曰休否大人吉其  
亡其亡繫于苞桑處君子道消之時已當尊位能施否於  
小人而自戒其將亡則得苞桑之固也夫救弊之術莫大  
乎通變朕民可與樂成難與慮始非斷而行之不足以有  
爲矣巽初六曰進退利武人之貞謂處令之初未能服令  
故進退也則宜用武威以整齊之乃能成命也革上六曰  
君子豹變小人革面謂居變之終變道已成則小人變面  
以順上也夫治國始於齊家王化本乎夫婦百代不易之  
道也家人九五曰王假有家勿恤吉謂居於尊位而明家

道則下莫不化矣父父子子兄兄弟弟夫夫婦婦六親和睦交相愛樂而家道正正家而天下定故勿恤而吉也凡此皆爲君之道也或曰子謂執剛莫如體柔責人莫如自脩而乃以威武成命何也曰同人九五敵剛也困九五來異方也其欲勝敵懷遠不可暴也舜於有苗文王於崇乃其迹也異之初六行令於吾人也令善而衆疑不濟以威是終不可爲也周官凡出教令必徇以木鐸曰不用法者國有常刑乃其事也盖所施之異胡可結以一言哉

易論第二

或曰爲君之道任官其惡也請言其要曰井九五曰井冽



寒泉食謂五居中得正而體剛直不食汙穢必須井潔而  
寒泉狀後乃食以言剛正之主不納非賢必須行潔才高  
狀後乃用也先九五曰孚于剝有厲謂處尊正之位不說  
信乎君子而說信乎小人則小人道長而國有危也剝六  
五曰貫魚以宮人寵無不利謂施寵小人但同之於宮人  
勿使害正則終無尤也狀則人君所任宜得賢才不可說  
信小人雖未能不加以寵亦當處之散地無俾乘勢以消  
君子可也或曰人君有不自爲國而委之大臣可乎曰茲  
禍福之機也事有不可不狀亦不可必狀在度宜而行之  
耳蒙六五曰童蒙吉謂委於二也夫蒙之時陰昧而陽明

五以陰質居於尊位不敢以其蒙昧自任而委之剛陽付物以能故獲吉也師六五曰田有禽利執言無咎長子帥師弟子輿尸正凶謂柔非軍帥陰非剛武故不躬行必以授也授不得正衆猶不從故長子則可弟子則凶蓋九二得中可以任也自閫以外將軍制之用兵之法亦其宜矣臨六五曰知臨大君之宜吉夫臨剛浸而長君子道盛之時也因而納之委以其事則不勞而成功矣任得君子庸非智乎大壯六五曰喪羊于易無悔羊壯也居大壯之時以陰處陽以柔乘剛用壯之甚敵寇之來將失其居故不待險難而先舍其壯委任於二則得無悔也此皆事之宜

不得不狀也歷觀衆卦此類頗多率由陰居尊位未得剛正在上而廢其聰明委政於下也得其人則民受其賜非其人則職爲亂階此不得不狀也常六五曰常其德正婦人吉夫子凶調居得尊位不能制斷而係應於二專從其唱以此爲常則婦人之吉非夫子之道也以言人君在位苟不能獨斷而牽於臣下權時則可矣以之爲常則非君之道也坤初六曰履霜堅冰至戒其漸也上六曰龍戰于野辯之不早疑盛乃動故必戰也此任官之要先王其慎之也

### 易論第三

或人請問爲臣之道曰君子之進也難哉苟進則諂諂則何有於君唯利而已矣否初六曰拔茅茹以其彙貞吉亨象曰拔茅貞吉志在君也謂居否之時動則入邪三陰同道皆不可進故茅茹以類正而不諂志在於君故不苟進也夫執剛用直進不爲利忠誠所至鬼神享之升九二曰孚乃利用禴無咎謂與五爲應往必見任體夫剛德進不求寵閑邪存誠志在大業故乃利用納約于神明也夫君臣之交初未見親未信而諫人以爲謗損初九曰已事遄往無咎酌損之謂剛以奉柔當自酌損其剛乃得合志志旣合則道可行也狀剛德之長不可全削志意旣合當自

守正九二曰利正征凶弗損益之謂初已損剛以順柔二  
復損已以益柔則剝道成焉故不可過往而利正也夫道  
雖正矣宜得其中不可過也小畜上九曰旣雨旣屺尚德  
載婦正厲月幾望君子征凶謂體巽屺上剛不可犯尚德  
者也爲陰之長能畜剛健德積載者也婦制其夫臣制其  
君雖正近危故曰婦正厲也滿而又進必失其道陰疑於  
陽必見戰伐雖復君子以征必凶故曰君子征凶也常初  
六曰浚常正凶無攸利象曰浚常之凶始求深也謂求深  
窮底物無餘蘊以此爲常凶正害德無施而利蓋人不可  
以至察也節上六曰苦節正凶悔亡謂過節之中以至亢

極苦節者也以斯施政物所不勝政之凶也以斯修身行  
在無妄故得悔亡蓋政不可以峻刻也雖不可過亦不可  
未至而止也晉初六曰晉如摧如正吉罔孚裕無咎謂進  
明退順不失其正而慶卦之始功業未著物未之信若以  
此爲足自喪其長者也故必裕之狀後無咎也夫爲君耳  
目所以司聰明也不能去邪人使至君側誰之罪也兌九  
四曰商兌未寧介疾有喜謂三爲佞說將近至尊四以剛  
德裁而隔之初則未寧終則有喜也此之爲喜乃爲至尊  
所善天下所賴故象曰九四之喜有慶也夫事君盡禮致  
恭有位古之道也履九四曰履虎尾愬愬終吉謂逼近至

尊處多懼之地朕以陽居陰以謙爲本雖處危懼終獲其  
志也夫君唱臣和理之常也專而見疑鮮不及矣坤六三  
曰含章可貞或從王事無成有終謂含美於內待命而發  
不爲事首順上而終可謂智矣故象曰含章可貞以時發  
也或從王事知光大也無妄六二曰不耕穫不菑畲則利  
有攸往亦謂代終已成而不造也不擅其美乃盡臣道故  
利有攸往也雖不獲自專而時有未安不可不憂也渙六  
四曰渙其群元吉渙有丘匪夷所思謂與五合志內掌機  
密外宣化命能爲群物散其險害朕處上體之下不可自  
專猶有丘墟未平之慮雖已得大功所思不可忘也若時

不我用不與於政則宜卷而懷之毋使動而之悔也坤六  
四曰括囊無咎無譽謂以陰居陰不與陽事隱其賢德乃  
可免咎故象曰括囊無咎慎不害也或竭其忠信志在立  
功圖國忘身雖慎可也隨九四曰隨有獲貞凶有孚在道  
以明何咎謂居於臣地以擅其民失於臣道違正者也體  
剛居說而得民心能幹其事而成其功者也雖違常義志  
在濟物誠信在道以明其功何咎之有哉夫權之所在衆  
之所附不守以正速禍而已矣益六二曰或益之十朋之  
龜弗克違永貞吉謂居中得位益自外來朋龜獻策同於  
損卦六五之位位不當尊故永正乃言也夫忠臣之分雖



處險難義不忘君也蹇六二曰王臣蹇蹇匪躬之故謂居位應五不以五在難中私身遠害執心不回志救王室者也故象曰王臣蹇蹇終無尤也凡此皆爲臣之道也孔子曰爲臣不易豈虛言哉

易論第四

或曰大哉君臣之道旣得而聞之矣請問凡所以治其身何如曰性不能自賢必有習也事不能自知必有見也習之是而見之廣君子所以有成也蒙六四曰困蒙吝謂獨遠於陽處兩陰之中困於蒙昧不能比賢以發其志故困吝也觀初六曰童觀小人無咎君子吝謂處於觀時而最